



Republika e Kosovës

Republika Kosovo / Republic of Kosovo

Kuvendi i Komunës Rahovec


Opština Skupština Rahovar/Municipality of Rahovec



PROCESVERBAL

Nga mbledhja e rregullt e Kuvendit Komunal të Rahovecit, e mbajtur më **16.09.2021**, me fillim në ora **10:00**. Mbledhjen e kryesoi: Kryesuesi i Kuvendit z. **Afrim Dina**. Konstatohet se kuorum, për mbajtjen e mbledhjes kemi:

Kryesuesi – Fillimisht më lejoni t'iu përshëndes, i nderuar Kryetar i Komunës z. Smajl Latifi, nënkryetar i Komunës z. **Fatmir Iska**, të nderuar kuvendarë, drejtorë të drejtorive komunale, përfaqësues të mediave dhe ju gjithë të pranishëm!



Për këtë mbledhje sot propozojmë këtë:

REND DITE

1. Shqyrtimi dhe aprovimi i Procesverbalit nga mbledhja e kaluar,
2. Pyetjet dhe përgjigjet në pyetjet e kuvendarëve,
3. Shqyrtimi dhe aprovimi i vendimit për miratimin e Buxhetit për vitin 2022;
4. Shqyrtimi dhe aprovimi i vendimit për caktimin e normave tatimore për tatimin ne pronën e paluajtshme për vitin 2022;
5. Informatë nga DKA-ja për përgatitjen e fillimit të vitit të ri shkollor 2021-2022;
6. Informatë nga DSHPS-ja rreth situatës me Covid-19 ne Komunën e Rahovecit;
7. Informatë nga Drejtoria për Ekonomi, Zhvillim dhe Turizëm për përkrahjen e bizneseve në qira dhe taksa afariste komunale.

Fehmi Hoxha – Përshëndetje kryesues, kryetar, drejtorë, kolegë kuvendarë, media dhe gjithë të pranishëm. Unë kam një propozim për një pikë shtesë edhe pse ne seancën e kaluar u dakorduam që të hyje ne rend të ditës mirëpo pasi që e lexova informatën e drejtorisë se zhvillimit ekonomik që nuk është e përfshirë ajo, atëherë kam një pikë shtesë: Lirimi nga qiraja mujore deri ne fund të vitit për shfrytëzuesit e hapësirave publike për të gjithë ne territorin e Komunës se Rahovecit, pra hapësirat publike para lokaleve dhe objekteve, garazheve, kiosqet etj. Pra të gjithë shfrytëzuesit që shfrytëzojnë hapësirat publike që paguajnë qira të lirohen deri ne fund të vitit si dhe lirimi nga pagesa për të gjithë shfrytëzuesit e tokave bujqësore, që komuna nuk i ka shume që megjithatë i ka disa që janë pronë e komunës që i shfrytëzojnë bujqit. Arsyeimi është se ne kohen e pandemisë kemi bërë disa lirime me herët mirëpo për këtë kategori asnjëherë nuk bërë asnjë lirim. Prandaj për pikën e parë dhe të dytë, të gjithë ata që kanë paguar sivjet ne vitin e ardhshëm të ju refundohet ne vitin 2021 ata të cilët kanë paguar. Njëkohësisht kemi një kategori që përballen vazhdimisht me rastet e llojllojshme që

janë të sëmure nga Covid-19 që nuk është shume, pastaj kategoria e taksistëve, leja për jashtë linear, auto taksi si dhe leja për transportin urban periferik, që kjo është një shume prej 20 eurove por që simbolikisht kërkoj që ta mbështetni pikën shtesë dhe mundësisht të ju ndihmojmë edhe kësaj kategorie.

Kryesuesi - Të nderuar kolegë kuvendarë, e qesim në votim propozimin e z.Fehmi Hoxha si pikë shtesë të rendit të ditës. Konstatoj se unanimisht aprovohet pika shtesë e rendit të ditës. Kalojmë në pikën e parë të rendit të ditës:

1. Shqyrtimi dhe aprovimi i Procesverbalit nga mbledhja e kaluar.

Atëherë meqë nuk kemi diçka rreth e procesverbalit, e qesim në votim. Konstatoj se unanimisht aprovohet pika e parë e rendit të ditës. Kalojmë në pikën e dytë të rendit të ditës:

2. Pyetjet dhe përgjigjet në pyetjet e kuvendarëve.

Refki Kryeziu – Përshëndetje kryetar, nënkryetar, drejtor, kolegë kuvendarë dhe gjithë të pranishëm. Unë kam një pyetje për kryetarin e komunës, tek çerdhja në Xerxe që është në përfundim e sipër, ka filluar të rregullohet edhe një park gjë që është për tu përshëndetur, mirëpo është kërkesë edhe banoreve aty pasi me sa e di unë ka mjaft hapësirë publike që të vendoset edhe një kënd i lojërave për basketboll apo voleyboll që të kontribuoj pak edhe të rinia e këtij komuniteti. Pastaj isha personalisht në fshatin Gexhe dhe rruga Myhedin Morina kishte vështirësi në kalim dhe kishte ankesa edhe kërkesa të banoreve që të ju rregullohet kjo rrugë, kështu që drejtori i Shërbimeve Publike mendoj se duhet të marrë masa për riparimin e këtij problemi dhe gjithashtu të shtegu i ecjes në Gradish isha për vizitë në një mbrëmje, e pash që shumica e poqëve elektrike që janë të vendosura gjatë shtegut ishin jashtë funksionit, kështu që edhe aty ka nevojë të intervenohet dhe të rregullohen ato poqe elektrike.

Fehmi Hoxha – Faleminderit kryesues, pyetja ime shkon për kryetarin apo drejtorin e shëndetësisë, që nga muaji mars 2017 e deri me tani nuk ju është paguar mjekëve dhe infermierëve pagesa shtesë për ndërrimin e natës që punojnë në emergjencë dhe vlera shkon afër 80,000 euro, ku infermieret paguhën afërsisht 18 euro kurse mjekët 25 euro shtesë. Ankesën punonjësit e kanë bërë në inspektoratin regjional në Gjakovë dhe kanë marrë vlerësimin pozitiv dhe me pas edhe në Prishtinë ankesa e tyre ka shkuar në favor të tyre dhe aktualisht lënda është në apel. Pagesën për ndërrimin e natës e paguar Gjakova, Prizreni, Suhareka pothuajse çdo komunë. Punonjësit e ndërrimit të natës nuk punojnë në orë të plota mirëpo mundet me ju bo që me punua edhe një të diele për me pas orë të plota dhe ata duhet të kompensohen. Sipas normës dikun 26 pacientë I kanë ata ndërsa mesatarja shkon dikun 36 pacientë. Kështu që mundësisht që të behet një zgjidhje dhe të kompensohet nga drejtoria e shëndetësisë, këto obligime që kanë mbetur që nga marsi i vitit 2017.

Shqipe Kryeziu – Përshëndetje për të gjithë. Të dy pyetjet e mia kanë të bëjnë me drejtorinë e arsimit, pasi që unë si mësimdhënëse e shkollës së mesme profesionale „Selajdin Mullaabzi-Mici,, po i përcjelli shqetësimet e kolegëve të punës lidhur me trajnimet e tyre. Në vitin shkollor 2020-2021 kjo shkolle ka filluar të punoj me plan programe të reja me korikulë. Gjatë tërë vitit mësimdhënësit kanë hasur në vështirësi të mëdha në lidhje me zbatimin e plan programeve vlerësimin e nxënësve dhe bile ndonjëherë kanë pasur vështirësi edhe gjatë notimit pasi që notimi nuk ka qenë meritë pasi është mungesë e jo trajnimit të mësimdhënësve me korikulë.

Dervish Çadraku – Përshëndetje për të gjithë. Unë kam një pyetje që ka të bëjë me një operator i cili është duke hapur një rrugë fushore afër fshatit Malësi të Vogël mirëpo kanë hasur në disa pengesa dhe janë ndërpre punimet, për shkak se gjendet një parcelë aty në kontest pasi në si fshat dhe unë si përfaqësues i tyre kemi menduar se ajo pronë është pronë e komunës mirëpo tani po del se ajo është pronë e Stone Castle. Kështu që nëse ajo rrugë kalon në pronësi të Stone Castle atëherë disa qindra hektarë do të mbesin pa rrugë. Pra a ka ndonjë zgjidhje apo veprim që kjo punë të kryhet dhe ajo rrugë të hapet dhe kenë mundësi të gjitha fshatarët të i punojnë tokat e tyre dhe të mos kenë pengesa në të ardhmen.

Avni Morina – Përshëndetje për te gjithë. Atëherë po përgjigjem ne pyetje e zonjës Shqipe Kryeziu që ishin ne lidhje me DKA-në. Trajnimet e mësimdhënësve ne i mbajmë çdo vite edhe këtë vite edhe pse me vonesë para se me fillua me trajnimin do te marrim pëlqimin nga Ministria e Arsimit. Gjat kësaj jave kemi pasur trajnim me programin para fillorë dhe fillor dhe ato lëndore ndërsa do te vazhdojmë me grupe tjera te trajnimit te mësimdhënësve. Ndërsa sa i përket konkursit te shpallur për drejtor shkolle ne shkollën profesionale është brenda afateve ligjore 3 muaj para se me kalua afati drejtoreshës dhe nuk e di që është shpallur edhe me herët konkurs pasi ka qenë situata e tillë pasi drejtoresha ka qenë e suspenduar për 2 vjet dhe është kthyer, kështu që edhe 3 muaj i kalon mandati.

Afrim Oruqi – Faleminderit kryesues, i nderuar kryetar, te nderuar kolegë drejtor, të nderuar anëtare te kuvendit dhe gjithë ju te pranishëm. Në pyetjen e kuvendarit Dervish Çadraku ne lidhje me një pronë ne zonën kadastrale ne Malësi te Vogël, ku behet fjalë për parcelën me numër 326/0 me sipërfaqe prej 2 hektar 21 ari 28m2, që është pronë e cila është dhënë me qera për 99 vite ne emër te Stone Castle. Pas luftës banorët e kësaj zone kanë kaluar ne këtë pronë dhe faktikisht është e kalueshme edhe sot e kësaj dite mirëpo me kadastër nuk figuron si rruge. Kështu që ju mbetet banoreve që te bisedojnë me këshillin e fshatit që te bisedojnë me pronarin i cili është[pronar legjitim për 99 vite i kësaj parcele që te jepet pëlqimi i tyre dhe me pastaj ne bashkëpunim me neve agjencionin kadastral me drejtorin e bujqësisë te vazhdojmë te hapim edhe atë rruge që ka mbetur e pakryer.

Përparim Krasniqi – Përshëndetje për te gjithë. Sa i përket çështjes se rrugës ne Gexhe, ajo është pjesë e kontratës pasi vitin e kaluar është lidhur kontrata për ndërtimin e rrugës Myhedin Morina pasi një segment i rrugës e kemi ndërtuar vitin e kaluar kështu që edhe kjo rruge mbetet te përfundon brenda këtij viti, për shkak se kompania e njëjtë është duke zhvilluar punimet ne Dejnë dhe ne momentin që e përfundon rikthehemi edhe ne fshatin Gexhe.

Artan Asllani – Përshëndetje për te gjithë. Sa i përket pyetjes rreth shtegut te ecjes ne Gradish. Është e vërtet që para disa muajve pas përrurimit te shtegut që ka ndodhur ne Gradish nga rrufeja ka pasur dëmtime ne ndriçimin e asaj hapësirë mirëpo ka pasur dëmtime edhe afër një biznesi që ndodhet aty. Ne nuk kemi te planifikuar ne sigurimin ne raste te fatkeqësive te natyrës mirëpo jemi duke gjetur formën që sa me shpejt te rregullohet ky ndriçim.

Shqipe Kryeziu- Me lejohet replika, kështu që I nderuari drejtor ju pyeta për shkollën e mesme profesionale „Selajdin Mullabazi„Mici, mësimdhënësit për vitin kalendarik 2020-2021 kanë punuar pa korikulë. Pra unë hasi drejtpërdrejt me ata mësimdhënës dhe tash përsëri drejtimet që i keni hapur për vitin 2021-2021 ata mësimdhënës nuk janë te trajnuar. Dhe tash te konkursi per drejtor, e di shume mire pasi vet kam kandiduar per atë vend pasi 3 herë keni hapur konkurs dhe 2 here e keni anuluar dhe asnjëherë nuk keni dhënë përgjigje rreth arsyes se pse keni anuluar. Kurse tani e thuani se ka dal e pafajshme dhe është rikthyer ne vendin e punës kurse për demet e drejtorit ne fjalë që e ka fituar procesin,dëmet kush ja paguan dhe a dëmtohet komuna e jonë. Gjithashtu nuk është kthyer asnjëherë përgjigje për kandidatet që kanë kandiduar për atë pozitë.

Samir Mustafa – Përshëndetje për te gjithë. Ka qene një kërkesë e kamotshme e punonjësve shëndetësor dhe me përgjegjësi te plotë ju them se drejtorja e shëndetësisë asnjë punëtori nuk i ka mbetur borgj për punë shtesë, gjithashtu edhe për ndërrimin e natës me orarin që e bëjnë për ndërrimin e natës kompensohen me ditë te lira edhe ashtu ju ka përshtat punëtorëve shëndetësor, kështu që kanë qenë pretendime që nga viti 2017,por drejtorja e shëndetësisë nuk ka borgj asnjë punëtori shëndetësor për punët shtesë dhe punët e ndërrimit te natës.

Kryetari – I nderuari kryesues, anëtar te kuvendit, drejtor, përfaqësues te mediave dhe gjithë ju te pranishëm. Në pyetjen e parashtruar nga Refki Kryeziu, për ndërtimin e një fushe te vogël sportive përkatësisht fushe te basketbollit ne hapësirën publike ku po ndërmerren veprime ndërtimore. Unë po besoj që do te gjejmë

mundësin e ndërtimit të asaj fushe të basketbollit pasi hapësire ka dhe sigurisht se është diçka që mund të realizohet. Sa i përket trajnimeve në shkollën e mesme profesionale, besoj që Shqipe Kryeziu dhe të gjithë ata që punojnë në arsim e dinë që kurikulat nuk i bënë drejtorja e arsimit por i bënë ministria e arsimit shkencës dhe teknologjisë dhe trajnimet në shkollat profesionale nuk varen prej DKA-së nëse nuk ka veprime konkrete nga ana e ministrisë për të zhvilluar ato trajnime. Sa i përket konkursit, e them se është e vërtetë që është shpallur konkursi por nëse në një konkurs nuk aplikojnë 3 aplikantë që dëshirojnë me ju nënshtrua procedurave të mëtutjeshme të vlerësimit, atëherë edhe mund të anulohet konkursi kështu që këtë të gjithë ata që janë të vetëdijshëm e dinë. Sa i takon shpalljes së konkursit 3 muaj përpara është se shpallet konkursi para se me i kalua kontrata një drejtori. Kështu që kjo është rregull por ndoshta ka pasur ide që me bo veprime të tjera p.sh. me vazhdua mandatin në bazë të performancës dhe nëse dikush nuk paraqitet me shume se një vit e gjysme në punë atëherë absolutisht nuk mund të i bëhet performancë një drejtori apo kushdo qoftë. Ka pasur një presion të papërshtatshëm por institucionet dhe në këtë jemi që mos me ju nënshtrua asnjë lloj presioni apo shantazhi edhe për këtë ju siguroj se Smajl Latifi nuk punon me shantazhe dhe as drejtori i DKA-së. Kështu që konkursi është i hapur dhe të drejtë aplikimi ka secili që mendon që i plotëson kushtet edhe pretendimet sigurisht që janë legjitime. Sa i takon humbjeve që eventualisht i paska komuna, unë them se ajo për me shume se një vit e gjysme nuk ka qenë në punë, për shkak se është ndërmarr një veprim i cili ka ardhë si pasojë e veprimit të policisë së Kosovës dhe përfaqësuesve të MASHT-it gjatë testit të maturës. Kështu që ndaj neve si komunë është kërkuar me marrë qëndrim dhe komisioni disiplinor është aktivizuar dhe kanë ndërmarr veprimin ose masën e caktuar administrative dhe ka vazhduar procedura e ankimimit e ka fituar të drejtën dhe ne ja japim rrogat, pasi e zbatojmë vendimin e këshillit të pavarur mbikëqyrës. Ne dhe ashtu jemi duke respektuar vendimin e pavarur të këshillit drejtues, pasi ka qenë një ushtrues detyre dhe tash është kthyer në vendin e punës drejtoresha në fjalë dhe gjithçka është në rregull. Me plot të drejtë ju them se nuk jam i autorizuar me i përcjell zhvillimet brenda aktivitetit kur bëhet testi i maturës pasi janë persona të autorizuar dhe me ju sjellë raportet e policisë këtu në kuvend, atëherë është paksa e çuditshme se pse këshilli i pavarur mbikëqyrës ka vendosur ndryshe, por këshilli i pavarur mbikëqyrës është institucion i pavarur i cili themelohet nga kuvendi i Kosovës dhe në jemi të obliguar me i zbatua 100% vendimet e këshillit të pavarur mbikëqyrës. Pra për mua nuk do të ishte marrë asnjë veprim nga ana e komisionit disiplinor sikur mos të kishte pasur kërkesë edhe gjithashtu raporte zyrtare që kanë kërkuar me marrë veprime të caktuara me shkrim dhe masa administrative është marrë nga komisioni disiplinor i komunës së Rahovecit. Pra asgjë nuk ka personale por të gjitha janë veprime ligjore procedurale që jemi këtu për të zbatuar të gjithë. Nëse dikush mendon me bo fushatë për këto tema atëherë e ka gabim pasi nuk është as vendi e as rendi për këto tema. Pra tash për të gjithë ata që ju skadon kontrata edhe për 3 muaj, do të ju shpallen konkurset pasi e kemi obligim ligjor dhe ne i zbatojmë procedurat ligjore. Të pyetja e parashtruar nga Fehmi Hoxha, ju përgjigj drejtori i shëndetësisë që realisht ka qenë me shume një angazhim i sindikatës se mjekeve që mund të mos këtë bazë por arsyeja për të marrë pagesa ndoshta edhe me shume se sa që kanë marrë, atëherë është legjitime por në paguajmë obligime aq sa bëhen punë shtesë dhe jo me shume. Kështu që edhe unë kam dëshirë me i trajtua mjekët dhe infermieret sa me shume mirëpo në përputhje me ligjin dhe arsyeshmërinë e kërkesave atëherë nuk besoj që dikujt iu është mbetur borgj mirëpo nëse ka diçka rreth kësaj absolutisht në këtë jemi dhe do të ishte mirë që mjekët dhe infermieret në këtë gjendje të pandemisë që jemi, me marrë sa me shume përkrahje prej komunës mirënjohje e falënderime e sidomos këta që janë direkt në vijën e parë frontit, pastaj të vaksinimit e po ashtu edhe ata të ndërrimit të natës. Mirëpo sidoqoftë do flasim edhe njëherë me drejtorin e shëndetësisë edhe me pae mos i kemi mbetur dikujt borgj dhe ne jemi të obliguar me i pagua obligimet që secili ka të drejtë ligjore me i përfitua.

Fehmi Hoxha – Faleminderit shume kryesues, unë e pata një sqarim pasi te gjitha këto sqarime që i kam marr pasi me bien edhe me shpesh me vizitua QKMF-në gjate ndërrimit te natës për shkak te vajzës që e kam te sëmurë. Kjo kërkesë apo shqetësim është prej punonjësve dhe këtu po i prezantoj, atëherë nëse nuk ka ndonjë obligim ndaj tyre atëherë pse lënda është ne apel dhe kjo me shqetëson. Kështu që si kuvendarë kanë kërkuar nga unë që ta ngrije këtë çështje ne kuvend.

Kryetari – E drejta e ankesës është ligjore dhe legjitime, kështu që ne jemi takuar me sindikatën e mjekeve dhe sigurisht që është konsultuar edhe nga ana e jonë. Po supozojmë që nëse është dashtë te paguhet për 5 ore shtesë dhe sigurisht që ne do ta paguajmë për këto 5 orë mirëpo jo për 10 orë që nuk i ka bërë. Pra mirë që kjo lëndë ka shkuar ne apel mirëpo nuk është që nuk e kemi diskutuar me sindikatën dhe unë mendoj se drejtorja e shëndetësisë tash por edhe ne kohën sa ka qenë drejtor Munib Durguti pra ka pasur tentativa që me marr me shume se sa që ka pasur orë shtesë. Pra krejt kjo është thelbi i kësaj teme, pra nëse i kemi mbetur borgj dikujt për borgjet e papaguara por që i kanë mbajtur ato orë atëherë gjithçka është ne rregull, kështu që i inkurajoj që te vine edhe ne drejtorin e shëndetësisë dhe sigurisht se do ti takoj edhe unë.

Shqipe Kryeziu – E përsëris se është tallje me kandidatet që kanë kandiduar ne atë pozitë dhe nuk pyeta për pjesën se si ka rrjedhur procedura, pra pyeta vetëm për kandidatet se nuk ju keni treguar arsyen as gojarisht e as përmes emailit, e nder kandidatet jam edhe unë dhe nuk kam marr asnjë përgjigje prej drejtorit pasi kam aplikua dhe e kam mbajtur intervistën pasi jam përgatitur psikikisht dhe kam bërë mjaft shpenzime duke nxjerrë vërtetime dhe ne momentin kur shkova atje e pash drejtoreshën ne vendin e punës.

Kryetari – E verteta se ndoshta ty mundën mos me te interesua shume gjëra por unë e kam te drejtën me më interesua shume gjëra te tjera që ju mundën me i pas ne nder dije e që ndoshta nuk e keni momentin me i thanë. Pastaj siç ju thashë edhe me herët, se nëse ne një konkurs nuk bëhen 3 kandidatë e sidomos ne konkursin për drejtor atëherë anulohet konkursi, e që ndoshta kanë konkurrue 3 mirëpo ata nuk janë ardh ne intervistë edhe sigurisht që anulohet. Gjithashtu unë ju inkurajoj që të kandidoni përsëri.

Kryesuesi – Faleminderit kryetar për te gjitha sqarimet, te nderuar kolegë kuvendarë kalojmë ne pikën e tretë te rendit te ditës:

3. Shqyrtimi dhe aprovimi i vendimit për miratimin e buxhetit për vitin 2022.

Afrim Limani – I nderuar kryesues, kryetar, nënkryetar, anëtar te kuvendit dhe gjithë ju te pranishëm. Para të ju shpjegoj buxhetin, deshta te ju informoj se ne adresë te komunës se Rahovecit ka radhe qarkorja e dytë buxhetore dhe ky dokument është po e njëjta me limitet apo tavanet buxhetore pa pasur asnjë ndryshim. Buxheti i komunës se Rahovecit për vitin 2022 ne total është 15,053,660 euro. Kur e bëjmë një krahasim ne raport me vitin e kaluar atëherë e shohim se buxheti i vitit te kaluar ne total ka qenë 14,206,590 euro, kështu që kemi një ndryshim pozitiv ne diferencë apo rritje ne total prej 837,070 euro. Pastaj granti i përgjithshëm është rritë prej 547,490 euro por gjithashtu janë rritur edhe te hyrat vetanake ne shumen prej 289,455 euro që siç e dini edhe ju që vazhdimisht kanë qenë te ulëta sepse këto limite i vendosin ministria e financave dhe konsideroj se tash do te kemi te hyrat ne bazë te një planifikimi real te buxhetit. Pra kjo është rritja e buxhetit ne vlerë prej 837,000 dhe kjo rritje kryesisht ka shkuar ne kuadër te kategorisë ekonomike, investime kapitale me përjashtim te një shume prej 40,000 euro ne pozicionin e pagave sepse aty detyrohemi pasi pagat vazhdimisht duhet me i rrit vazhdimisht për çdo vit ne vlerën prej 0,5% për shkak te rritjes se shtimit te stazhit te punëtorëve. Ky buxhet është i planifikuar ne këto kategori: ne paga dhe mëditje 7,872,844 euro, ne mallra dhe shërbime 1,735,000, ne shërbime komunale 270,000, subvencione dhe transfere 360,000 dhe investime kapitale 4,815,816 euro. Pra krejt kjo rritje ju dedikohet investimeve kapitale. Gjithashtu para vetes e keni edhe një liste te investimeve kapitale, që është e planifikuar dhe e buxhetuar shume mirë, e cila ka dalë si rezultat i kërkesave te qytetareve me te cilët i kemi mbajtur dëgjimet publike dhe konsideroj se te gjitha këto kërkesa janë te involvuara dhe te buxhetuara ne kuadër te investimeve kapitale, ku kemi rrugë trotuare kanalizime ndriçim ujësjellës pastaj kemi rregullim te kanaleve te shtretërve te lumenjve, krijimi i hapësirave

te gjelbëruara parqe gjë gjithashtu me theks te veçantë po e përmend drejtorin e shëndetësisë që kemi ndërtimin e një AMF-je ne lagjen e epërme pastaj rregullimi i brendshëm i objektit te vjetër te QKMF-së kurse ne arsim përkundër që jemi ne fazën përfundimtare te ciklit te ndërtimit te objekteve, i kemi paraparë edhe pse ne këtë vit nuk i kemi buxhetuar pasi e kemi lanë për vitin e ardhshëm me bartjen e mjeteve dhe këto janë rezultat i kërkesave që i kemi 3 shkolla, njëra është Rahovec, tjetra ne Xerxe dhe një ankesë ne shkollën ne Ratkoc. Pra për ciklin e përfundimit te objekteve shkollore jemi ne përfundim e sipër, siç e dini edhe ju ne fazën përfundimtare janë 3 objekte shkollore dhe gjithashtu janë edhe 3 çerdhe. Po ashtu buxheti për bujqësi edhe për këtë vit do te jetë prioritet i joni dhe për këtë arsye e kemi buxhetue me tepër por gjithashtu prioritet ju kemi dhënë edhe kanalit te kullimit te tokave bujqësore dhe gjithashtu rregullimi shtretërve te lumenjve. Këto kanale pothuajse secili kanal ne mënyrë te drejtpërdrejt ndërlidhet edhe me rregullimin e shtretërve te lumenjve pasi e dimë që viteve te kaluara kemi pasur shume reshje atmosferikë që lan shkaktuar vërshime dhe kjo është arsyeja që ju kemi dhënë prioritet. Te nderuar deputet, kërkoj nga ju që ta votoni këtë buxhete sepse ky buxhet është ne rritje dhe gjithashtu janë 4,800,000 që janë te dedikuara për qytetaret tanë.

Sali Sallteku – Faleminderit kryesues, përshëndetje kryetar dhe gjithë te pranishmit ne sallë. Unë edhe pse nuk jam ekonomist e kam përcjellë dhe e kam lexuar buxhetin dhe kryetari asnjëherë nuk ka thënë jo për çdo kërkesë që ka bërë grupi parlamentar i joni dhe janë tejkaluar. E kam thënë disa here dhe po përsëris edhe tani që jam kundër votimit te buxhetit dhe jo pse jam vetëm unë por konsideroj që duhet me qenë edhe te tjerët për shkak se I bëjmë nder qytetit dhe komunës ne përgjithësi. Kështu që unë jam kundër këtij buxheti dhe I lusë edhe grupin tim parlamentar te jenë kundër dhe nga ky moment kjo mbledhje është e mbyllur nga unë, që njehërit kërkoj edhe nga te tjerët që te mos ta votojnë pasi është kundër interesit te qytetareve te Komunës se Rahovecit, pra me një fjalë është kundra demokracisë.

Kryetari – Para se me dal jashtë, unë duhet me te tregua se buxheti votohet ne kuvend te komunës, kështu që te uroj shëndet dhe suksese ne garë.

Fehmi Cena – Faleminderit kryesues, përshëndetje për ju kryetarin nënkryetarin, drejtoret, kolegë asamblistë media, gjithashtu falënderoj drejtorin e financave për elaborimin e planit buxhetor për vitin 2022. Unë do ta debatoj pak me gjatë buxhetin ne raport me parafolësin dhe gjithashtu do te flas edhe ne emër te grupit te LDK-së dhe sigurisht pa pretendime që tu marr te drejtën që te marrin fjalën edhe pas meje. Ne e kemi pas plan buxhetin edhe njëherë e kemi shqyrtuar dhe diskutuar ne leximin e e par ne mbledhjen e qershorit ku i kemi pasur vërejtjet dhe sugjerimet tona, që e ceku edhe drejtori e kemi pasur qarkoren buxhetore te parë por edhe dyta tani nga ajo që pash nuk ka dallime dhe nuk ka shume rëndësi. Plan buxhetin e kemi analizuar hollësisht dhe me kujdes, ku te pjesa e te hyrave vetanake nuk kemi vërejtje ku sigurisht se themi planifikimi është i mirë ku kemi diskutuar se kemi pasur vërejtje te vogla rreth kodeve dhe te hyrave mirëpo jemi kuptuar dhe gjithçka ne rregull është, pasi ka rritje edhe i gëzohemi asaj por gjithashtu ka rritje edhe sa u përket investimeve kapitale por mënyra se si është përgatit shpenzimet e sidomos tek investimet kapitale do te ndalemi aty me tepër pasi kemi vërejtjet tona edhe si grup pasi janë disa mangësi që po përsëriten vazhdimisht vit për vit pasi ato vërejtje i kemi pasur edhe me përpara. Tek planifikimi i investimeve kapitale, shpenzimet janë te prezantuara ne mënyrë te përgjithësuar neper programe, kode dhe nuk i keni te specifikuar projektet sepse secili kodë duhet me i pas te specifikuar projektet për shkak te shpenzimeve që do te bëhen. Kështu që nëse ato nuk janë te specifikuara dhe ne nuk i kemi ne këtë dokument atëherë ne as si delegat dhe as si qytetar nuk jemi ne gjendje me i përcjell ato projekte dhe aq me tepër me i mbikëqyr ato projekte që apo realizohen apo nuk po realizohen, ku do te realizohet një projekt, pasi çdo rrugë e ka emrin e vet e ka gjatësinë e vet dhe koston e vet që ju duhet me përcaktua afatin kohor te realizimit që realisht nuk e keni këtu, përpos një material që e morëm ne fillim te mbledhjes nga drejtoria e shërbimeve publike, ku aty sipas kodeve ishin projekte dhe

ashtu do te duheshin me qenë te gjitha projektet neper te gjitha drejtoritë. Ne tash e kemi dokumentin për këtë drejtori dhe jemi ne gjendje me përcjell te gjitha projektet që a po realizohen apo jo mirëpo për drejtorit e tjera nuk i kemi shumicën mirëpo një pjesë e kemi. Po ashtu ajo çka e vërejmë te investimet kapitale është se shumica e kodeve janë vazhdim dhe një numër i vogël janë projekte apo kode te reja dhe kjo do te thotë se shumica e buxhetit te vitit 2022 do te shpenzohet për projektet e kaluara(borgje) kurse projekte te reja që qytetaret kanë kërkuar për këtë vite shumica e tyre nuk do te munden me u realizua sepse nuk keni buxhete. Po ashtu mangësi tjetër është ^{shoime} keq klasifikim që keni te investimet kapitale, pra ne kuadër te investimeve kapitale keni shpenzime keni shpenzime dhe marra edhe për subvencione pasi kjo ka qenë edhe ne te kaluarën dhe është edhe tash mirëpo është me pak ne krahasim me buxhetin e vitit te kaluar mirëpo prape janë aty edhe tek bujqësia por edhe te programet e tjera. Ne si delegat jemi trajnuar pasi kemi qenë neper seminare te organizuara nga ministria për financa dhe keq deklarimet apo keq klasifikimet ata nuk do ti tolerojnë pasi edhe ashtu është thënë prej tyre dhe gjithashtu ndihma që ju bëhet bujqve nuk është investim kapital por është subvencion dhe ne pajtohemi që te ju ndihmojmë bujqve te Rahovecit pasi komuna jonë është bujqësore dhe duhet te jetë prioritet edhe shpenzimi i buxhetit për këtë kategori te shoqërisë tonë por janë forma te tjera që mund te ju ndihmohet që te shkohet konform ligjit që e lejon, pra ka vërejtje sa i përket kësaj dhe sigurisht se do te keni vërejtje edhe sa i përket auditorit te jashtëm. Po ashtu mangësi tjetër që unë e shoh që e kam cekur edhe herën e parë kur kemi shqyrtua buxhetin ne qershor, kontrata kolektive që nuk keni paraparë obligimet që dalin nga kontrata kolektive dhe shpesh e here e kemi e përmend. Kështu që jemi e vetmja komunë ne Kosovë që nuk i ka marr obligimet që me i pagua për kontrata kolektive bilëm te paktën me fillua. Pra nuk është ne rregull që punëtorët e arsimit te shëndetësisë dhe te tjerët ti kërkojnë te drejtat e tyre përmes gjykatave avokateve apo përmbauesve sepse aty ka maltretime dhe shpenzime që janë te dyanshme edhe pala edhe komuna bëjnë shpenzime dhe për këtë disa herë ju kemi dhënë vërejtje pasi komuna jonë me mijëra euro humb pikërisht shpenzime shtesë që duhet me i pagua neper gjykata. Unë mendoj se për vitin 2022 komuna jonë do te ishte mirë me i marr këto obligime dhe me fillua me pagesën e tyre, po ashtu drejtorit i kemi bërë pyetje ne mbledhjen e kaluar pasi është një buxhete goxha i madh rreth 2 milion që janë obligimet nëse komuna i merr përsipër por kjo shume e madhe ka ardh per shkak te grumbullimit nga moskryerja e obligimeve dhe sikur te ishin krye me kohë me siguri që nuk do te ishte kjo shume mirëpo sidoqoftë duhet te fillohet me këto pagesa dhe te mos te debatojmë vazhdimisht neper mbledhje te kuvendit për këtë çështje e cila mund te zgjidhet konform ligjit. Kontrata kolektive ne i dimë mangësitë pasi i kemi cekur edhe me përpara që i ka por sidoqoftë komunat tjera e kanë marr këtë obligim, kështu që edhe komuna e Rahovecit është koha te filloj me këtë obligim. Këto janë mangësitë që neve na shtynë me dyshua që ky plan buxhetor nuk është i plotë dhe nuk është konform kërkesave dhe nevojave te qytetareve dhe ju kisha lutur që ti merrni parasysh kërkesat tona dhe nëse realizohen këto kërkesa atëherë jemi ne rregull, por ne te kundërtën nuk jemi ne gjendje me votua buxhetin.

Munib Durguti – I nderuari kryesues, kryetar, te nderuar kolegë asamblistë, media dhe gjithë ju te pranishëm. Meqenëse jemi ne seancën e buxhetit, deshta te falënderoj drejtorin e financave i cili e dha një elaborat për projekt buxhetin e vitit 2022 sipas kategorive te ndara dhe gjithashtu i gëzohemi faktit natyrisht si qytetar i këtij vendi që kemi rritje ne këtë buxhet por megjithatë kemi vërejtën për mënyrën se si po bëhet shpërndarja e këtij buxheti sidomos për investime kapitale për vitin 2022. Te kodi 40809 meremetimi i rrugëve dhe trotuareve ne komunën e Rahovecit, nuk specifikohet se për cilat rruge dhe trotuare, nuk e dimë as vendin dhe koston rreth kësaj që jemi te thirrur për me vendos, po ashtu edhe te kodi tjetër 40818 ndërtimi i trotuareve ne komunën e Rahovecit, që është projekt i ngjashëm me titull mirëpo as ky nuk specifikohet se ku do te ndërtohet, atëherë nëse kemi tituj te ngjashëm pse kemi nevojë me hap dy kohe për tituj te ngjashëm te projektit. Pra nëse ka mundësi me na dhanë një sqarim pasi nuk e dimë vendin se ku do te behet investimi dhe

sa rruge janë të përfshira në këtë projekt. Pastaj kodi 408 krijimi i parkingjeve të reja në qytet, projekti në vazhdim, kështu që me intereson se sa parkingje dhe ku janë krijuar gjatë vitit 2021 meqenëse është buxhetuar gjatë këtij viti ky kodë dhe gjithashtu na intereson se ku do të ndërtohen këto parkingje gjatë vitit 2022. Pastaj kalojmë te projekti i i që për fat të keq kemi shumë pak projekte të reja, ndërtimi i rrugëve në Rahovec nga Rida deri të rreth rrotullimi në dalje të qytetit, ku vlera e buxhetimit për vitin 2022 është 150,000 euro, projekt i cili vazhdon në vite me pas buxhetohet për 4 vjet afërsisht 450,000 euro. Vërejtja e parë është se projektet komunale e kanë një afat 3 vjeçar të zbatimit dhe jo 4 dhe kjo është përtej asaj që rekomandon ligji për financa publike. Por pyetja ime është se a është titulluar gabimisht ky projekt i cili aludon në me shumë rrugë pra në titullin apo kemi të bëjmë me një gabim teknik që e sqaron drejtori. Pastaj një projekt të zjarrfikëset, izolimi i objektit të zjarrfikëseve vlera e ndarë për vitin 2022 është 10,000 euro. Ajo që kemi parë në këtë objekt, këto mjete të ndara janë vërtet shumë pak dhe ai objekt ka nevojë për një ndërhyrje dhe renovim të tërësishëm po ashtu aty duhet të investohet në rrjet të ujësjellësit ngase nuk ka shtypje uji në atë objekt dhe kjo e rrit kohën e intervenimit në terren dhe shpesh herë kemi edhe pasoja fatale, pasi kështu deklarojnë punëtorët e zjarrfikësve. Po ashtu projekti i ri i ndërtimit të kanalit të kullimit të tokave bujqësore nga Shtavica e deri në Fortesë, projekti veç ka filluar mirëpo për vitin 2022 janë ndarë mjete në vlerë prej 150,000 euro duke vazhduar për 3 vjet në total prej 1,070,000 euro. Po ashtu ditë më parë e kemi parë në rrjete sociale që operatori fitues i këtij tenderi e ka publikuar vlerën e kontratës prej 2,386,301 euro. A ka mundësi të na jepni sqarim rreth kësaj apo keni të bëjmë me ndonjë gabim, se pse është zvogëluar vlera në projekt buxhetin që e kemi si material në vlerë prej 50%. Pastaj kodi 40840 ndërtimi i shtretërve të lumenjve dhe përroskave në Komunën e Rahovecit në vlerë prej 180,000 euro mjete për vitin 2022. Meqenëse projekti është pa emërtim specifik, a ka mundësi që të na informoni se çka dhe ku do të ndërtohet sepse vitin e kaluar kemi marrë një premtim publik nga kryetari se do të thellohet shtrati i lumit Dulllo prej pozicionit ku bëhet kyçja e kanalit të ujërave atmosferik që është projekt i ndërtuar vitin e kaluar e deri të lumit Rimnik. Pra nga ky kod buxhetor dhe asgjë nuk është punuar në terrene dhe kaloj saktësisht një vit prej se është miratuar buxheti i vitit 2021 dhe asnjë lëvizje nuk ka, përkundër disa premtimeve të reshtura nga kryetari, pra që kish mundësi një sqarim rreth kësaj ngase është shqetësim i banoreve e sidomos i lagjes atje. Nga analiza që i bëjmë këtij projekt buxheti rezulton se nga 4,800,000 investime kapitale për vitin 2022, kemi vetëm 205,000 për investime kapitale dhe nëse i shtohet edhe 60,000 nga shëndetësia atëherë bëhet 265,000, pra i tërë buxheti është mbyllur me projekte në vazhdim të hapura vite më parë. Kjo qasja e juaj është në kundërshtim me standardet e përcaktuara në ligjin për financa publike i cili specifikon se projektet nuk duhet të jetë më të gjatë në kohë me shumë se 3 vjet dhe sikur të zbatohet ky standard nga ju atëherë ky projekt buxhet investimet kapitale për vitin pasues do të kishim të paktën 1/3 e vlerës së 4.8 milionëve. Kështu që kjo çasje po i varfëron operatorët pasi në jemi në terren dhe po i takojmë qytetaret dhe operatorët nuk paguhen për punët që i kanë krye dhe kjo sigurisht se do të ketë një impakt në një stagnim të mundshëm ekonomik. Po ashtu është e habitshme që ky projekt buxhet nuk i trajton seriozisht arsimtarët dhe kategoritë e tjera të punëtorëve publik përkundër se drejtës ligjore që është në anën e tyre dhe nuk po e shihni të arsyeshme të i kryeni obligimet financiare por keni vendos që ti paguani edhe tarifën e përmbaruesve privat. Andaj ky projekt buxhet nuk është aspak atraktiv real dhe besojmë që fare pak i trajton shqetësimet e qytetareve kur kujtojmë faktin që para hartimit të këtij projekt buxheti janë bërë dëgjime publike në shkallë të gjerë duk i përfshirë të gjithë qytetaret e komunës tonë.

Ali Zhuniqi – Meqenëse u diskutuan edhe nga paraflësist dhe kolegët e mi, unë kisha me u ndal vetëm te projekti i sheshit qendror të qytetit, pasi në momentin kur e ka nënshkrua kryetari memorandumën e bashkëpunimit me ministrin e planifikimit hapësinor, kisha deshtë me ditë se sa është vlera fikse e projektit dhe në parim për sa e keni planifikuar këtë obligim me krye, dhe pyetja e dytë është se në vitin 2017 kur e keni

pranua detyrën e kryetarit të komunës sa ka qenë borgji publik kundrejt obligimeve kontraktuale që ka pasur komuna edhe me sa po e leni tash komunën me borgje.

Fehmi Hoxha – Faleminderit shumë kryesues, e falënderoj drejtorin e shërbimeve publike që në dha informatën pasi gati çdo seance e kam përmendur se edhe rruga Fahredin Hoxha qenka në fazën e tenderimit edhe besoj që do të përfundoj ajo edhe çështja e bashkëfinancimit me MAPL-në është çështje tjetër aty dhe nuk e di a mund të realizohet mirëpo uroj që të realizohet kjo punë. Gjithashtu me gëzon fakti se në këtë kodë 40817 edhe për vitin tjetër janë edhe 150,000 euro kështu që besoj që nëse fillon sivjet do të përfundon vitin tjetër edhe pse keni premtuar që për këtë vitë do të kryhet dhe nuk është mbajtur premtimi. Kemi diskutuar para dy apo tri seancave tjera, që unë ju kam thënë se do të kërkoj në projeksionin buxhetor që të ndahet nga pozicioni i mallrave dhe shërbimeve dhe jo nga investimet kapitale punimi i moraleve për qytetin e Rahovecit dhe atëherë e keni paraparë dhe e keni planifikuar mirëpo nuk është lejuar pasi ka qenë gabimisht nga pozicioni i investimeve kapitale ndërsa nga mallrat dhe shërbimet ju kam thënë edhe atëherë që do të kërkoj 100,000 euro mirëpo tani e shoh që tani mundësit janë shumë të kufizuara mirëpo nga mallrat dhe shërbimet të paktën 50,000 me i buxhetue qoftë në drejtorin e urbanizmit ose drejtorin e kulturës apo drejtorit të tjera, që po ashtu ka qenë edhe premtim i kryetarit që do të bëhet dhe nuk e shoh askund, kështu që kërkesë e imja është edhe kjo.

Ali Morina – Faleminderit kryesues, i nderuar kryetar, nënkryetar, drejtor të drejtorive, kolegë asamblastë dhe gjithë ju të pranishëm. E falënderojmë drejtorin për paraqitjen e projektbuxhetit për vitin 2022, kështu kemi analizuar dhe e kemi shqyrtuar me kujdes ku kemi vlerësuar se ky buxhet i përfshin në masë të madhe shumë projekte në interes të qytetareve të komunës së Rahovecit. Ajo që me bie në sy janë projektet për disa shkolla të reja pastaj kanalet e kullimit kur vërtet në kohe të fundit kanë filluar me u trajtua disa lumenj që janë domosdoshmërisht me u trajtua me u rregullua dhe me i evitua pengesat dhe demet që ju kanë shkaktua qoftë në ekonomitë familjare dhe në toka bujqësore, kështu që ju inkurajoj që këto projekte të vazhdojnë me intensitet të shtuar. Kur kam diskutuar për buxhetin e vitit të kaluar kam kërkuar që këto projekte të vazhdojnë dhe të përfundohen si projekte shumë të rëndësishme për qytetarët e komunës së Rahovecit. Pra nuk do të isha zgjatur me shumë dhe në emër të grupit të AAK-së i japim mbështetje të plotë këtij projektbuxheti.

Shqipe Kryeziu – Faleminderit kryesues, para meje folën edhe kolegët dhe ishin shumë të qartë, kështu që unë po ndalem të arsimit dhe shkenca pasi i përkas kësaj fushe. E vërejtja që nuk i keni përfill kërkesat e mësimdhënësve aspak për kontratë kolektive sepse kanë qenë kërkesa të vazhdueshme dhe siç duket ju po e neglizhoni vazhdimisht apo çka është problemi aty që nuk e keni paraparë hiq për asnjë vit.

Refku Kryeziu – Faleminderit kryesues, unë deshta me falënderua drejtorin e financave për prezantimin e buxhetit, ku konsideroj se është buxhet i qytetareve dhe në kemi marrë besim nga qytetarët dhe jemi në kohë pandemie, kanë qenë kërkesat edhe neper dëgjime publike se çka të ju ofrohet qytetareve, kështu që i lus edhe kolegët tjerë asamblastë që ta votojnë buxhetin sepse tek e fundit është buxhet i qytetarëve dhe në kemi marrë besimin nga qytetarët.

Kryetari – Faleminderit shumë për kontributin, vërejtjet, këshillat për plotësimet secili që ka ngrit çështje kanë rëndësi jo të vogël dhe meritojnë një sqarim. Në do të fillojmë me kontratën kolektive dhe pozicioni do të jetë i qartë për vitin 2022, sigurisht se nuk do të mundemi me i mbulua të gjitha kërkesat dhe të drejtat nuk mund të i realizojmë brenda një viti dhe natyrisht në nuk kemi veprime përmbarimore tash për tash për shkak se edhe avokatet edhe përmbarimust janë në dijeni se në jemi në prag të miratimit të buxhetit dhe besoj se do të fillojmë në vitin 2022 dhe nuk do të mbetnim borgj askujt edhe pse e dini shumë mirë se pasur nevojë që me përsërit shpesh se kontrata kolektive është nënshkruar në qendër kurse pasojat financiare i bartin komunat, kështu që ju siguroj që do të filloj me aplikimin e kontratës kolektive. Pastaj ndërtimi i sheshit qendror

sigurisht se do te filloj por ende nuk është lidhur kontrata dhe pritet që brenda një afati optimal me u lidhë, kështu që sheshi qendror i qytetit do te bëhet. Pastaj sa i përket borgjit publik, obligimet kontraktuale dhe financiare çdo qeveri kur ndërrohet sigurisht se i pranon obligimet dhe unë asnjëherë nuk jam ankua por sigurisht se nuk do ta lë komunën me borgie sepse kemi me i krye punët. Pastaj pyetja e parashtruar sa i përket shtretërve te lumenjve dhe kanalit te kullimit te tokave bujqësore, si p.sh. ne kemi pranuar një obligim ne vitin 2017 për ndërtimin e QKMF-së dhe ju e dini se nuk kanë qenë paratë dhe mirë që ka hie ne buxhet dhe sot po funksionon QKMF-ja, u deshtë me zgjat 3-4 vjet sepse projekti është i madhe dhe kemi kërkuar mbështetje nga Ministria por ata nuk na kanë mbështet dhe jemi detyruar ta bëjmë vet me buxhetin e komunës se Rahovecit. Të gjitha projektet që kanë vlera me te mëdha financiare i nderuari Munib, pasi keni punuar ne administratë dhe keni udhëhequr një drejtori shume te rëndësishme, por ato buxhetohen dhe kanjeher nuk kemi para te mjaftueshme por edhe operatoret kanjeherë kujdesen që mos me shtie komunën ne obligime financiare edhe deri me tani ju siguroj se nuk kemi pasur problem me operatoret ekonomik, për kundër faktit që kanjeher ka buxhet te pamjaftueshëm edhe veprime përtej buxhetit momental. Pastaj sa përket shtratit te lumit Dullo,ku vlera e kontratës 2,389,000 euro dhe ju them se aktiviteti ka filluar dhe sivjet nuk parashihet me fillua betonimi shtratit për shkak se nuk mundemi me mbërri për shkak te kohës sepse kontrata është nënshkruar para pak dite por veprimet e tjera si hapja pastrimi I kanalit te lumit Dullo është duke ndodhur dhe besoj që do te jetë një projekt që do te shpëtoj Rahovecin e gjithashtu edhe Fortesën edhe nga ujërat e zeza edhe nga ujërat e shiut. Pra normalisht nuk pretendohet m u përfundua për një vit sepse nuk mund te kryhet pasi është projekt i madhe dhe kompleks, kështu që shpresojmë që nga kanali I ujërave atmosferik që e ka krye operatori ekonomik Mendi-P e deri ne Fortesë ku derdhet pra edhe shtrati edhe kolektor te ujërave te zeza dhe jam I bindur që nuk do te ndihet as kundërmimi erës se keqe te fenaleve dhe as ujërave te zeza. Pra është një projekt gjigant I cili do te jet edhe projekt i bukur funksional dhe njëherë e përgjithmonë do ta zgjidh problemin e vështirësive apo përballjeve që i ka pasur dhe vazhdon te I ketë një pjesë e qytetit te Rahovecit për shkak se ju e dini se ku përfundon lumi Dullo ne kuptimin e ndërtimit dhe gjithashtu ju e dini se sa është I rëndësishëm vazhdimi I këtij projekti dhe finalizimi I plotë. Në pyetjen e parashtruar nga Fehmi Hoxha rreth rrugës dhe kanalizimit ne rrugën Fahredin Hoxha, po është e vërtet pasi është ne procedurë te prokurimit dhe shpresojmë që te kemi me shpejt kontratë dhe jam i bindur se ky projekt do te kryhet pasi ne kemi një memorandum mirëkuptimi ku për këtë vit i kemi pasur një shume te caktuar te mjeteve por ministria e infrastrukturës e mjedisit dhe planifikimit hapësinor me rishikim te buxhetit e ka zvogëluar shumen dhe është mirë që qeveria e Kosovës përmes ministrisë e ka marr përsipër që pjesën që i takon këtij projekti me krye kurse pjesë tjetër e mbetur e kryejmë ne. Pra nuk bëhet fjalë vetëm për një rrugë por për 12 rrugë ku do te këtë edhe kanale te ujërave atmosferik edhe kanale te ujërave te zeza dhe te gjitha rrugët janë brenda qytetit, që fillon prej Ria-s që nuk është emërtim i gabuar pasi që ne jam kemi bërë kërkesë ministrisë dhe me pastaj e ka pranua ministria pastaj është tërheq mirëpo me rishikim është rikthyer me me pak mjete mirëpo unë shpresoj se do te shtohen mjetet edhe aty. Po ashtu edhe sa i përket muraleve, ju siguroj se do te ketë murale që mund te jenë nga mallrat dhe shërbimet por mund te jetë edhe pozicion i qartë ne subvencione por ndoshta me mirë do analizojmë këtë mirëpo te jemi te sigurt që gjate vitit 2022,por vetëm a do te ketë grup te artisteve që do te aplikojnë edhe me zbukurua pjesët e mbetura dhe te rëndësishme te qytetit por edhe najë pjesë e rëndësishme e ndonjë vendbanimi apo fshati që do te ketë nevojë ne një hapsirë te përshtatshme. Pra ne jemi te interesuar me i dhanë përparësi dhe me prioritizue me buxhet, por mos harroni se te kodi mallra dhe shërbime ka një mundësi reale që me bartje te mjeteve të përcaktohet dhe te specifikohet qarte pasi nuk është pranuar ky projekt per shkak se po përmendet si keq klasifikim. Keshtu që mund te ju them se kjo do te kryhet dhe juve ju mbetet te përgatiteni me artist piktor e skulptor që i ka komuna jonë sepse kjo punë mund te kryhet, edhe pse me herët kemi filluar pak ne këtë drejtim por jo mjaftueshme kështu që e falënderoj Fehmi Hoxhen per

kontributin që e ka dhënë bashke me koleg tjerë ne disa pjesë të dukshme të qytetit për disa piktura apo murale që kemi ne disa pjesë të qytetit si të QKMF-ja të objekti ri pastaj të këndi i lojërave për fëmijë por edhe ne pozicione tjera. Gjithashtu prioritet kanë shtretërit dhe kanalet e kullimit të tokave bujqësor, që po dua edhe njëherë me saktësi se projektet nuk kryhen brenda një viti pasi ato zgjatin 3 vjet dhe për sa i takon obligimeve financiare natyrisht si komunë që jemi ne e kryejmë punë sepse kemi operatore të fortë si Mendi-P që nuk kemi frikë se e qon komunën tonë të përmbauesi dhe është fat i mirë që operatori Mendi P kryesisht shtretërit e lumenjve dhe kanalet e kullimit i ka dhe sigurisht se nuk brengosemi që e qon komunën në përmbaues ndërsa të kompani tjera edhe ne po duhet të jemi të kujdesshëm kur po ka mjete kanjeherë po duhet me i lutë që me i krye edhe ndonjë punë që po ka mungesë të mjeteve dhe nuk është se po rrezikojmë. Ndërsa ne pyetjen e parashtruar nga Fehmi cena sa i takon keq klasifikimit, në komunën tonë keq klasifikime sipas raportes së ZKA-së, nuk behet fjalë për keq klasifikime por vetëm për të meta dhe dobësi tjera por keq klasifikime nuk behet fjalë dhe nuk janë evidente në komunën tonë dhe po përpiqemi mos me bo gabime dhe me rikthye ne të kaluarën në komunën tonë sa i takon në pozicionin e komponentës së keq klasifikimeve buxhetore. Nuk besoj që kemi nevojë me diskutua gjatë çështjes së mbështetjes sa i takon bujqësisë, pasi vitin e kaluar kemi debatuar gjatë që një mekanizëm bujqësor apo pajisje bujqësore nuk është subvencion por është kapital i transferuar prandaj edhe auditori neve nuk na ka bo problem sepse e dinë edhe ata pasi edhe ata bazohen në ligje. Të pyetja e parashtruar nga Munib Durguti rreth izolimit të objektit të zjarrfikëseve, që ka thënë se ka pak mjete, por e di që zjarrfikëseve ju kemi qëndruar pranë me pajisje dhe për here të parë në historinë e pasluftës në komunën e Rahovecit që menaxhohet me zjarrfikës që ju blihen disa drita speciale të teknologjisë së lart që kanë një kosto të lartë që me pas mundësi me pas me të lehtë në shikim edhe gjatë natës, pra të gjithë zjarrfikësit janë të pajisur me drita speciale sikur minatorët që janë të standardeve të larta. Gjithashtu ju kemi ndihmuar edhe me pajisje tjera, kemi përfitua kamion të zjarrfikësve si donacion kështu që ju kemi qëndruar afër gjithmonë por mos harroni se ata menaxhohen nga agjencioni i menaxhimit të emergjencave. Përkundër këtij fakti ne ju kemi ndërtuar edhe një garazh po ashtu edhe disa veprime tjera kapitale dhe gjithashtu mendoj se zjarrfikëseve duhet me ju qëndrua afër vazhdimisht pasi e kanë pozicionin e rrezikshmërisë dhe unë jam i kënaqur me përkushtimin angazhimin dhe rezultatet e zjarrfikësve tanë dhe duhet të ju qëndrojmë jo vetëm si komunë por edhe qeveria sepse nuk i kryejnë disa obligime të cilat duhet me i krye në raport me zjarrfikësit pasi nuk është se kemi pasur edhe shumë zjarre këtë vit në krahasim me vitin e kaluar në komunën tonë dhe një zjarr që e kemi pasur në qytet të ky objekti afër komunës, e kemi pae gatishmërinë dhe sakrificën e zjarrfikësve tanë pastaj nga Prizreni Suhareka dhe Gjakoves që kanë ardhur në ndihmë, po ashtu nuk duhet me harruar faktin se zjarrfikësit tanë kanë shkuar me shua zjarr edhe në Malishev, Suharek por edhe në Kalimash edhe janë në gjendje me qëndrua gati gjithmonë për detyrat dhe përgjegjësit që kanë çdo here. Pra normalisht jam dakord që me ju dhanë edhe me shumë mbështetje edhe nëse i marrin të gjitha kompetencat AME-ja, pasi që ata ballafaqohen me situata që ndodhin kryesisht në komunën e Rahovecit por sigurisht edhe për intervenime edhe jashtë komunës së Rahovecit. Po ashtu sa i përket meremetimit të trotuareve dhe rrugëve, ne jemi të ndërgjegjshëm dhe të vetëdijshëm që shumica e kontratave apo shumica e këtyre kodeve janë vazhdim dhe ata që punojnë në administratë e dinë që vështirë është me hap projekte të reja nëse ke obligime apo ke kontrata të lidhura dhe besoj që e dini edhe ju që jeni gjatë këtij mandati në kuvendin e komunës. Pra dëshira jonë është me i hap ja 200 projekte të reja por ne nuk mundemi me i hap ato, por mundemi me i hap ja 10 projekte për shkak se duhet me i zhvillua këto që janë ekzistuese që me i finalizua. Kështu që jam i bindur që këto projekte ekzistuese kudo që shkoni neper qytet dhe neper fshatra do ti shihni se të gjitha i kemi në kontrata sepse të gjitha ato janë të adresuara, edhe pse nuk është e lehtë por ne i kemi marrë përgjegjësitë dhe shumë punë që nuk kanë besuar që do të kryhen ato janë përfundua dhe nëse ju mendoni se me 4,800,000 janë krye këto punë që i kemi për vitin 2022 për investime kapitale e kanë gabim

por këtë shume bëj përpjekje me shumëfishua dhe me bo mbi 9 milion, pasi është viti i katërt që kemi tejkalim te hyrave dhe madje janë këto tejkalime që po na ndihmojnë por sigurisht që edhe qeveria e Kosovës që ne vazhdimisht luftojmë me marr grande dhe gjithashtu edhe donator tjerë si USAID e plot donator tjerë që na ndihmojnë kapak që me qenë te bindur ne që me përpjekje te vazhdueshme dhe te pandërprera kryhen punët. Pra tani kam krijuar një përvojë dhe me angazhimin që kemi duke shfrytëzuar edhe përvojën që e kemi që te gjitha punët që do te nisen edhe do te kryhen, po ashtu është e vërtet se ka punishte ne shume vende por edhe ne ato punishte ne shume prej tyre punohet dikun me pak e dikun me shume por këto punishte kanë me rregullua infrastrukturën edhe ne qytet edhe ne fshatra dhe gjithashtu kanë me evitua vërshimet dhe përmbytjet dhe plot probleme që janë ngritur disa here këtu ne kuvend. Pra unë ju falënderoj shume për te gjitha shqetësimet që keni ngritur dhe dyshimet që i shpërfaqe gjate analizës për buxhet. Edhe njëherë po i drejtohem Fehmi Cenes, unë e di se çdo buxhet dhe sidomos projekt buxheti i një komune për vitin që vjen por edhe projeksionet buxhetore për vitet ne vazhdim e ne këtë rast korniza afatmesme buxhetore për vitin 2022-2024 duhet me u analizua dhe me u vlerësua por me sa unë e njoh Fehmi Cenen pasi vërtet i shtjelloj disa tema shume interesante, besoj që edhe ky e din pasi ato pozicione dhe qëndrime që i shpalosi para neve, e din mirë që ne nuk mund te hyjmë ne obligime te reja nëse kemi kontrata që duhet te vazhdojnë dhe po ashtu e din secila kontratë tregon se cila rruge duhet me u shtrua ne cilin vend apo vendbanim ka me u shtrua dhe nëse kemi trotuare e din secili trotuar ka me u shtrua dhe sa ka me qen gjatësia e atij trotuari dhe unë besoj që jo vetëm shërbimet publike p.sh. nëse e ke një pozicion si meremetimi i repartit te pediatriisë apo objektit te vjetër, ju e dini shume mirë se ku është ai vend pasi punoni aty, kështu që ne kontratë edhe nëse janë termat e përgjithësuar por te gjitha janë te evidentuara se ku do shtrohet një rruge sa do te jetë e gjate dhe gjithashtu secila është me projekt, pra edhe projektet e vitit 2022 te gjitha janë shume lehtë me u precizua projektet e reja ndërsa kur janë projektet e vjetra kërkon qasje ne dokumente publike dhe do ti gjeni që te gjitha. Pra nuk mundem me bo një trotuar nëse nuk e kam te planifikuar ne kontratë dhe nuk mundem me bo një kanalizim nëse nuk e kam te planifikuar ne kontratë por vetëm ne pozicionin e emergjencave kur ka gjendje kritike ne kemi kontratë për emergjencë për ndonjë prishje apo diçka e tillë, për ndryshe çdo gjë është e planifikuar dhe çdo gjë e ka marr miratimin nga kuvendi i komunës, kështu që për 4 vjet këtë punë e kemi mësuar te gjithë. Pra edhe me dashtë me bo diçka ashtu, nuk ka mundësi me i ik veprimeve te paligjshme asnjë kryetar i komunës e sidomos unë që s'jam i interesuar me bo veprime te paligjshme. Pra te gjitha planifikohen ne kontrate kurse ato që nuk planifikohen ne kontratë dini te gjithë se është procedura e kerkimit te punëve shtesë që bëhet njëfarë analize. Kështu që gjitha është e planifikuar dhe nuk kemi arsye edhe pse mirë është me u specifikua por ne nuk mundemi me ja bashkëngjit buxhetit edhe me i dërgua ne ministrin e Financave po supozojmë edhe ato që i ka sjellë drejtorja e shërbimeve publike dhe duhet ta dini se çdo drejtor që ka kontratë me një operator komuna e Rahovecit edhe për çdo projekt te ri jam i bindur ne ekipin që unë e drejtoj ka informacione shtesë te detajuara e sidomos për projektet që i kemi ekzistuese e janë me kontrata. Por ju nëse dëshironi me dit për çdo gjë, mund te kërkon qasje ne dokumente publike ashtu siç ka kërkuar deputeti i kuvendit te Kosovës Visar Korenica, ne brenda afatit për 7 dit ju kemi përgjigj dhe gjithçka është ne rregull pasi është e drejt ligjore e secilit dhe unë besoj që ju i dini këto pasi për çdo muaj jeni ne seanca te rregullta dhe sigurisht që ju si anëtar te kuvendit shume me lehtë i merrni dhe jeni ne rrjedha te informacionit se sa dikush që është me larg. Pastaj te krijimi i parkingjeve te reja ne qytet, unë po e përmendi parkingun te palestra që është krijuar te pjesa ka podrumi i vjetër, por ne duhet ta mbajmë pozicionin e parkingjeve te reja sepse është kod i vjetër, kështu që unë mendoj se ku te kemi hapësirë ne qytet ne duhet te krijojmë hapësira te reja për parkingje. Sa i përket borgjeve dhe obligimeve, nuk po krijojmë obligime financiare pasi çdo komunë ka obligime sikurse ka edhe shteti obligime dhe krejt normale është me hie ne obligime pasi janë kontrata te cilat ne një afat optimal ne suaza te ligjit besoj që zbatohen. Pra uroj që te punojmë sa me mirë dhe sa me

shume që te mos kthehen ato obligime kontraktuale ndonjëherë ne obligime financiare sepse ekziston ne te drejtën secilit operator me bo padi dhe me kërkua që me i marr përmes përmbaruesit edhe pse njëherë për njëherë nuk kemi këso shqetësime. Kështu që unë ju ftoj që me votue buxhetin pra me miratua, buxheti është analizuar duke marr ne konsideratë dëgjimet buxhetore te KPF-së rreth shqetësimeve që i kanë ngritur qytetaret ne takimet publike te cilat i kam mbajtur edhe unë si kryetar, mendoj që buxheti është ngjarja me e rëndësishme dhe jetike e një komunë sepse me këtë buxhet që e kemi e që mendoj që te rritet besoj që ne mundemi me i realizua objektivat tona që i kemi për vitin 2022 dhe i ftoj te gjithë anëtarët e kuvendit te komunës që ta votojnë dhe kërkoj që te hidhet ne votim pasi nuk ka nevojë me dhanë sqarime te mëtutjeshme nga ekipi im mirëpo nëse dikush nga asamblistët ka diçka atëherë mundet por gjithashtu e kërkoj te drejtën legjitime me kërkua aprovimin me ato sugjerime që ndoshta ishin me specifike te asamblistit Fehmi Hoxha që përmendi muralet, kanalizimin, rrugët me rekomandimin që ne vitin 2022 fillon zbatimi i kontratës kolektive kushdo që e ngriti kontratën kolektive edhe ne jemi te bindur se duhet me fillua se munden me pasua veprime ndëshkuese përmes procedurave përmbarimore dhe ne jemi ne thelb te informacionit me avokatin e komunës dhe jemi duke u marr me këtë temë dhe ne vitin 2022 duhet fillojmë me zbatimin e kontratës kolektiv që fatmirësisht për mësimdhënësit por fatkeqësisht për financat e komunës edhe pse u deshtë qeveria me krye këtë pune ministria e arsimit dhe financave dhe ne do te fillojmë se zbatuari kontratën kolektive për shujta dhe transportin e mësimdhënësve. Unë ju ftoj që ta votoni buxhetin dhe sigurisht se do te ushte një situatë e dobishme për qytetaret dhe gjithashtu e rëndësishme për te gjithë ne që i kemi përfaqësua ne kuvendin e komunës dikush ne cilësinë e anëtarit te kuvendit dhe dikush ne cilësinë e përgjegjësive ekzekutive, kështu që si kryetar i komunës ju ftoj që ta votoni buxhetin pa dallime politike sepse është e vetmja ngjarje ne këtë vit dhe ne këtë faze ku jemi dhe sigurisht që neve na hap rrugën kudo që shkojmë me qytetaret i kemi dhanë argumentet tona por normalisht e kemi miratua buxhetin e kuvendit te komunës. Pra është lajm i mirë edhe për datën që jemi sot me 16 shtator sepse argumenti themelor është se kemi votua buxhetin dhe shkojmë ne një betejë tjetër.

Kryesuesi – Faleminderit shume kryetar për te gjitha sqarimet e bëra, te nderuar kolegë kuvendarë e qesim ne votim pikën e tretë te rendit te ditës. Konstatoj se me 15 vota pro, 5 abstenime dhe asnjë kundër aprovohet buxheti për vitin 2022. Kalojmë ne pikën e katërt te rendit te ditës:

4. Shqyrtimi dhe aprovimi i vendimit për caktimin e normave tatimore për tatimin ne pronën e paluajtshme për vitin 2022.

Të nderuar anëtare te kuvendit, te gjithë e kemi materialin me vete dhe gjithashtu e keni pasur me kohë dhe po ashtu e kemi shqyrtuar këtë material edhe ne mbledhjen e KPF-së dhe e kemi pae se komuna jonë ka normat tatimore me te vogla te mundshme te cilat nuk lejohen edhe sipas rregullores dhe me ligj. Te nderuar kolegë, dua te kërkoj edhe mirëkuptimin edhe te drejtorit, kështu që nëse dikush prej anëtarëve te kuvendit ka diçka sa i përket pikës se katërt te rendit te ditës atëherë e kisha qitë ne votim. Konstatoj se unanimisht aprovohet pika e katërt e rendit te ditës. Kalojmë ne pikën e peste te rendit te ditës:

5. Informatë nga DKA-ja për përgatitjen e fillimit e vitit te ri shkollor 2021-2022.

Gjithashtu edhe këtë material e kemi te gjithë dhe e kemi shqyrtuar edhe pse ne material e kemi te shënuar se mësimi do te fillon me datën 13 mirëpo siç e dini që varët nga ne pasi janë vendime te ministrisë pra qeverisë nga gjendja e pandemisë dhe shpresojmë te kaloj sa me shpejt. Atëherë pasi që nuk kemi diçka me shtue rreth kësaj, kalojmë ne pikën e gjashtë te rendit te ditës:

6. Informatë nga DSHPS-ja rreth situatës me Covid-19 në Komunën e Rahovecit.

Gjithashtu edhe për këtë pikë materialin e kemi te gjithë dhe nga ajo që kam pae unë e kemi vetëm një përmirësim te çështja e vaksinimit, ku pjesa ku është bere ndryshimi i materialit që na ka ardh vazhdimisht 7 ditë përpara edhe nga KPF-ja dhe tani numri shkon rreth 30,000 qytetare te vaksinuar te paktën me vaksinën e parë, pra është bërë një punë e mirë. Kalojmë ne pikën e shtatë te rendit te ditës:

Munib Durguti – Faleminderit kryesues, edhe pse materialin e kemi përpara por i kisha bo një sugjerim drejtorit që për vaksinat e konfirmuara që vinë nga ministria edhe ndahet termini, ju kisha lutur drejtorit që me bo një dhomë te veçantë dhe te mos presin me kohe te gjatë, pasi aty i thuhet pacientit se terminin e ka ne ora 11 mirëpo as që merret askush me të dhe mua personalisht për vete me ka rae me prit mbi 3 ore edhe pse e kam pas terminin e konfirmuar dhe nuk është mirë kur niveli lokal nuk i respekton vendimin e nivelit qendror, kështu që duhet te hapet edhe një dhomë shtesë për ata që e kanë te konfirmuar terminin duhet me patjetër te respektohet.

7. Informatë nga Drejtoria për Ekonomi, Zhvillim dhe Turizëm për përkrahjen e bizneseve dhe taksave afariste komunale.

Gjithashtu kjo ishte edhe kërkesë e z. Hoxha ne mbledhjen e kaluar që te jepen sqarime dhe gjithashtu faleminderit drejtor për sjelljen e kësaj informate që bizneset që i kemi aktive i kemi liruar që i kemi liruar edhe me herët për pjesën e 50%. Tani jemi ne pikën shtesë e kërkuar nga z. Fehmi Hoxha.

Fehmi Hoxha – Faleminderit kryesues, siç e thash edhe me herët, edhe ashtu u dakorduam edhe me shefin e zyrës ligjore që te bëhet një vendim dhe është afati ligjore prej 7 ditëve, kështu që unë e propozove dhe ju ftoj që ta mbështetni.

Kryesuesi – Faleminderit shume z. Hoxha për kontributin, e qesim ne votim pikën shtesë. Konstatohet se unanimisht aprovohet pika shtesë. T nderuar kolegë kuvendarë, ju falënderoj te gjithëve për kontributin e dhënë dhe suksese te gjithë atyre që janë ne garë.

Procesmbajtësi:

Agim Hoti

